

**57** ver ber að tolla sem önnur vínföng, sbr. ráðgjafabrjefi 8. nóvbr. 1877 (Stj.tíð. 5. júní 1877, B, bls. 139—140).

Þetta er yður til vitundar gefið til leiðbeiningar.

**58** **Brjef landshöfðingja til amtmannsins yfir Norðuramtinu og Austur-**  
15. júní **amtinu um meðlag með þurfaling.** — Með brjefi, dagsettu 22. f. m., hafið þjer, herra amtmaður, sent hingað erindi frá hreppsnefndinni í Hofshreppi í Skagafjarðarsýslu, þar sem hún skýtur til mín úrskurði yðar, dagsettum 17. marz þ. á, um ágreining milli hennar og hreppsnefndarinnar í Svínavatnshreppi í Húnavatnssýslu útaf upphæð meðlags með þurfamanni Hofshrepps, Jóhanni nokkrum Jónssyni.

Með því að jeg verð að vera yður samdóma um, að eigi sje ósennilega hátt að reikna meðlag með heilsulitlum þurfamanni, sem kominn er undir sjötugt, 2 kr.—2 kr. 50 a. um vikuna, verð jeg að fallast á úrskurð yðar og skal hann því standa óraskaður.

Þetta er yður til vitundar gefið til leiðbeiningar og birtingar fyrir hlut-  
aðeigandi hreppsfjelögum.

Úrskurður amtsins.

Með brjefi, dags. 3. jan. þ. á., hafið þjer, herra sýslumaður, sent mjer skjöl nokkur viðvíkjandi ágreiningi milli hreppsnefndarinnar í Hofshreppi í sýslu yðar og hreppsnefndarinnar í Svínavatnshreppi í Húnavatnssýslu útaf styrk veittum Jóhanni nokkrum Jónssyni af Svínavatnshreppi, en sem er sveitlægur í Hofshreppi.

Sumarið 1898 leitaði Jóhann sá, er hjer ræðir um, styrks hjá hreppsnefndinni í Svínavatnshreppi vegna heilsuleysis, sem kom honum fyrir frá 23. júlí þess árs til 30. sept. s. á fyrir 2 kr. um viku hverja, eða alls fyrir . . . . . Kr. 20,00 en frá 1. okt. s. á. og til 4. apríl 1899 voru lagðar með honum kr. 2,50 um vik-  
una, eða . . . . . — 66,43

Sem gjörir samtals: kr. 86,43

Þessa meðgjöf með Jóhanni hafið þjer, vegna hreppsnefndarinnar í Hofshreppi, álitid langt of háa, af þeirri ástæðu, að Jóhann hafi, alt þar til hann leitaði styrksins, unnið fyrir kaupí, og að hann hafi, eptir að hann kom til Hofshrepps árið 1899, þótt vel takandi fyrir 40 kr. meðgjöf um árið. Ennfremur hefir hreppsnefnd Hofshrepps boðið til samkomulags að borga kr. 43,50 af meðlagsupphæðinni.

Aptur á móti hefir sýslumaðurinn í Húnavatnssýslu haldið því fram vegna Svínavatnshrepps, að hann fyndi ekki ástæðu til að færa kröfu þess hrepps niður, þar sem að Jóhann hefði verið svo heilsulasinn, að hann hefði mjög lítið getað til vinnu gengið, og að eigi hafi verið mögulegt að koma honum niður fyrir minni upphæð, svo og að hreppsnefndin í Hofshreppi megi sjálfri sjer kenna um það, að tíminn var svo langur, sem Jóhann þurfti styrksins við frá Svínavatnshreppi, þar henni hefði verið innanhandar, að viðurkenna sveitfesti hans miklu fyr, en það hafi hún fyrst gjört 4. febr. 1899, eða c. 7 mánuðum eptir að hún fekk tilkynningu um styrkveitinguna,

Þar sem að því hefir ómótmælt verið haldið fram af Svínavatnshreppi að Jóhann Jónsson, sem er kominn um sjötugt, hafi verið svo heilsulasinn þann tíma, er hann

naut styrks frá Svínavatnshreppi, að hann lítið hafi getað við vinnu verið, — enda hefir Jóhann borið það sjálfur fyrir rjetti 3. nóvbr. 1898, að svo hafi verið, — og þar sem að styrkur sá, er hann fekk, að upphæð kr. 2,50 og 2 kr. á viku, ekki virðist ósennilega hár, þegar lítið er til þess, að búizt var við að flytja hann á framfærsluveit sína þá og þá, þá úrskurðast hjermeð, að Hofshreppur í sýslu yðar skuli greiða umræddar kr. 86,43 til hreppsnefndarinnar í Svínavatnshreppi, sem fyrst. Þetta tilkynnist yður hjermeð, herra sýslumaður, til birtingar fyrir hreppsnefndinni í Hofshreppi.

58

**Brjef landshöfðingja til amtmannsins yfir Norðuramtinu og Austur- 59**  
*amtinu um deilu útaf skilningi á samningi hreppsfjelaga á milli.* 15. júní  
 — Með brjefi, dagsettu 14. apríl þ. á., hefir hreppsnefndin í Vallahreppi í Suð-  
 urmúlasýslu beiðzt úrskurðar míns um ágreining milli hennar og hreppsnefnd-  
 arinnar í Hjaltastaðarhreppi um rjettan skilning á samkomulagsgjöorningum 4.  
 oktbr. 1781, 4. júní 1782 og 16. júní 1785 viðvíkjandi skipting hins forna Valla-  
 hrepps í 3 hreppa.

Með því að hjer er eigi að ræða um framfærslu einstaks tiltekins þurfa-  
 manns eða ómaga, heldur um deilu útaf samningum hreppsfjelaga á milli, ligg-  
 ur málefni þetta eigi undir úrskurð yfirvaldanna, heldur undir úrslit dómstól-  
 anna, sbr. brjef dómsmálastjórnarinnar frá 23. janúar 1858 og 25. maí 1872,  
 og landshöfðingjabrjef 16. marz 1896 (Stj.tíð. 1896, B, bls. 237).

Þetta er yður, herra amtmaður, til vitundar gefið til leiðbeiningar og  
 birtingar fyrir hreppsnefndinni í Vallahreppi, og eruð þjer umbeðinn að afhenda  
 henni hjálögð 11 fylgiskjöl.

**Brjef landshöfðingja til stiptsyfirvaldanna yfir Islandi um lántöku- 60**  
**leyfi handa Breiðabólsstaðarprestakalli á Skógarströnd** — Sam- 25. júní  
 kvæmt þarum gjörðri beiðni og tillögum yðar, herra amtmaður, og yðar, herra  
 biskup, í brjefi, dagsettu 14. þ. m., vil jeg hjermeð veita leyfi mitt til þess að  
 presturinn að Breiðabólsstað á Skógarströnd, síra Jósep Kr. Hjörleifsson,  
 megí taka allt að 500 kr. lán gegn tryggingu í tekjum presta-  
 kallsins til að gjöra túnsljettun á prestsetrinu, með þeim skilyrðum, að lánið  
 endurborgist á 15 árum frá lántökudegi að telja og ávaxtist með 4% í mesta  
 lagi, og að lánið verði tekið smám saman, jafnótt og lántakandi sannar að jarða-  
 bæturnar sjeu unnar og að þær sjeu vel af hendi leystar.

Þetta er yður til vitundar gefið til leiðbeiningar og frekari birtingar, að  
 því viðbættu að lánið getur eigi orðið veitt úr landssjóði, en fyrir Ræktunarsjóð  
 Íslands eru ekki einu sinni reglur samdar.